

Կ Ա Ր Գ

ՌԱԶՄԱԿԱՆ ԿԱՐԻՔՆԵՐԻ ՀԱՄԱՐ ՓՈՐՁԱՆՄՈՒՇՆԵՐԻ,  
ԼՐԱՄԱՍԵՐԻ ԵՎ ԲԱՂԱԴՐԻՉՆԵՐԻ ՖԻՆԱՆՍԱՎՈՐՄԱՆ

1. Սույն կարգով կարգավորվում է ոչ պետական միջոցներով ստեղծված ռազմական կամ երկակի նշանակության ապրանքի փորձանմուշների, լրամասերի և բաղադրիչների պետական փորձարկումների իրականացման համար անհրաժեշտ քանակության ապահովման նպատակով փորձանմուշների պատրաստման աշխատանքների (այսուհետ՝ ՓՊԱ) ֆինանսավորմանն առնչվող հարաբերությունները:

2. ՓՊԱ ձևավորման հիմք են հանդիսանում ռազմական կամ երկակի նշանակության ապրանքների մշակմամբ զբաղվող սուբյեկտների (այսուհետ՝ կատարող) կողմից ներկայացված ՓՊԱ հայտերը:

3. Կատարողները ՓՊԱ հայտերը Բարձր տեխնոլոգիական արդյունաբերության նախարարության ռազմարդյունաբերության կոմիտեին (այսուհետ՝ կոմիտե) են ներկայացնում համաձայն N 1 ձևի: Այն դեպքում, երբ հայտի մասով դեռևս ներկայացման փուլում արդեն առկա է պետական կառավարման համակարգի որևէ մարմնի կողմից որպես փորձանմուշի մասով հավանական պատվիրատու հանդիսանալու վերաբերյալ դիրքորոշում, ապա ներկայացվում է նաև այդ դիրքորոշումը:

4. Հայտի հետ միաժամանակ կատարողը կոմիտեի ուսումնասիրմանն է ներկայացնում ՓՊԱ իրականացման համար մեկ նմուշի (կամ լրակազմի) մասով գնառաջարկ (լրացվում է համաձայն Կառավարության 2016 թվականի դեկտեմբերի 22-ի N 1355-Ն որոշմամբ (այսուհետ՝ որոշում) սահմանված նախնական գնահաշվարկին առաջադրվող ձևի, այն բացառությամբ, որ

գնառաջարկը, իսկ հետագայում նաև ՓՊԱ իրականացման նախնական և փաստացի գնահաշվարկները շահույթ չպետք է նախատեսեն):

5. Կոմիտեն 15 աշխատանքային օրվա ընթացքում ուսումնասիրում է հայտը և գնառաջարկը, ըստ անհրաժեշտության ներկայացնում առաջարկություններ, դիտողություններ, ձևաչափին չհամապատասխանող հայտերը կամ գնառաջարկը համապատասխան հիմնավորմամբ հետ են վերադարձվում կատարողին՝ շտկելու և կրկին ներկայացնելու համար, իսկ ձևաչափին համապատասխանելու դեպքում փաստաթղթերն ուղարկում է՝

1) շահագրգիռ պետական կառավարման համակարգի մարմիններին՝ ռազմական նշանակության ապրանքի (բաղկացուցիչ մասի) կամ դրա փորձնական նմուշի (փորձանմուշի) վերաբերյալ կարծիք հայտնելու համար: Այն դեպքում, երբ որևէ պետական կառավարման համակարգի մարմնի կողմից որպես փորձանմուշի մասով հավանական պատվիրատու հանդիսանալու վերաբերյալ առկա է դիրքորոշում (որի տրամադրումից չի անցել 6 ամիս), հայտը պետական կառավարման համակարգի մարմիններին կարծիքի չի ուղարկվում:

2) Բարձր տեխնոլոգիական արդյունաբերության նախարարություն՝ որպես գործընթաց սկսելու վերաբերյալ տեղեկացում:

3) Ազգային անվտանգության ծառայություն՝ կատարողի և նրա աշխատակիցների վերաբերյալ դիրքորոշում ստանալու նպատակով:

6. Շահագրգիռ պետական կառավարման համակարգի մարմինները հայտի արդիականության, փորձանմուշների անհրաժեշտ քանակի վերաբերյալ կարծիքը կոմիտեին ուղարկում են հայտը ստանալու պահից 10 աշխատանքային օրվա ընթացքում՝ համաձայն N 2 ձևի:

7. Ազգային անվտանգության ծառայությունը հայտի մասով կարծիքը (դիրքորոշումն) ուղարկում է այն ստանալուց հետո 15 աշխատանքային օրվա ընթացքում, որը կարող է երկարաձգվել 10 աշխատանքային օրով՝ լրացուցիչ ուսումնասիրություններ կատարելու անհրաժեշտության դեպքում: Ազգային անվտանգության ծառայության կողմից կատարողի վերաբերյալ բացասական

դիրքորոշում ներկայացնելու դեպքում՝ հայտը մերժվում է, իսկ դիրքորոշումը կատարողին չի տրամադրվում:

8. Շահագրգիռ պետական կառավարման համակարգի մարմինների (կամ դրանցից որևէ մեկի) կողմից դրական գնահատված և Ազգային անվտանգության ծառայության կողմից կատարողի վերաբերյալ դրական դիրքորոշում ստանալուց հետո, կոմիտեն, 5 աշխատանքային օրվա ընթացքում տեղեկացնում է կատարողին՝ Կառավարության 2016 թվականի սեպտեմբերի 8-ի N 920-Ն որոշման համաձայն ռազմարդյունաբերական համալիրի գործունեության սուբյեկտների ամփոփ ցուցակում (այսուհետ՝ ռեեստր) գրանցվելու անհրաժեշտության մասին, եթե կատարողը ռեեստրում գրանցված չէ:

9. Եթե կատարողը գրանցված է ռեեստրում, կամ կատարողի՝ ռեեստրում գրանցվելուց հետո, հայտերը քննարկելու և ընդհանրացնելու նպատակով, կոմիտեի նախաձեռնությամբ 10 աշխատանքային օրվա ընթացքում Բարձր տեխնոլոգիական արդյունաբերության նախարարի հրամանով կազմվում է հանձնաժողով, որտեղ ըստ անհրաժեշտության, համաձայնեցմամբ ներգրավվում են պետական կառավարման համակարգի մարմինների ներկայացուցիչներ և ըստ անհրաժեշտության այլ մասնագետներ:

10. Հանձնաժողովը 10 աշխատանքային օրվա ընթացքում հրավիրում է նիստ, քննարկում ներկայացված հայտը և բաց քվեարկությամբ, ընդհանուր ձայների պարզ մեծամասնությամբ հավանություն տալիս դրան կամ մերժում այն, եթե՝

- 1) փորձարկման ենթակա գույքը տվյալ պահին արդիական չէ.
- 2) տնտեսական իմաստով գույքի ստեղծման ծախսերը ողջամտորեն արդարացված չեն դրա կիրառելիության նպատակին և լուծելիք խնդիրների կարևորությանը.
- 3) կատարողի անձնակազմն ակնհայտորեն չունի համապատասխան որակավորում և կամ մասնագիտացում.
- 4) այլ հիմնավորված ողջամիտ պատճառով:

11. Հանձնաժողովը, իր եզրակացությունը 3 աշխատանքային օրվա ընթացքում ուղարկում է (ներկայացնում) կոմիտեին և Բարձր տեխնոլոգիական արդյունաբերության նախարարությանը:

12. Դրական եզրակացությունը ստանալուց հետո, իսկ ռեեստրում դեռևս չգրանցված կատարողների դեպքում՝ ռեեստրում գրանցվելուց հետո կատարողը 10 աշխատանքային օրվա ընթացքում կոմիտեի համաձայնեցմանն է ներկայացնում որոշմամբ սահմանված նախնական գնահաշվարկ:

13. Կոմիտեն 10 աշխատանքային օրվա ընթացքում համաձայնեցնում է գնահաշվարկը, որից հետո պատրաստում Կառավարության որոշման համապատասխան նախագիծ և ներկայացնում Բարձր տեխնոլոգիական արդյունաբերության նախարարությանը:

14. Բարձր տեխնոլոգիական արդյունաբերության նախարարությունը «Ռազմարդյունաբերական համալիրի մասին» Հայաստանի Հանրապետության օրենքի 13-րդ հոդվածի համապատասխան սահմանված ժամկետներում «ՓՊԱ պետական պատվերը հաստատելու մասին» որոշման նախագիծը ներկայացնում է Կառավարության հաստատմանը:

15. Կառավարության որոշումը ստանալու պահից 5 աշխատանքային օրվա ընթացքում կոմիտեն գնման հայտը գնումների մասին Հայաստանի Հանրապետության օրենսդրությամբ սահմանված կարգով ներկայացնում է Բարձր տեխնոլոգիական արդյունաբերության նախարարություն՝ գնման գործընթացը կազմակերպելու նպատակով:

16. Բարձր տեխնոլոգիական արդյունաբերության նախարարությունը 10 աշխատանքային օրվա ընթացքում կատարողին ներկայացնում է ՓՊԱ գնման պայմանագրի կնքելու առաջարկ: Պայմանագրով մտավոր սեփականության նկատմամբ իրավունքները չեն փոխանցվում պայմանագրի մյուս կողմին:

17. ՓՊԱ պայմանագրով սահմանված աշխատանքներն ավարտելու և փորձարկման պատրաստ լինելու վերաբերյալ կատարողը կոմիտեին ներկայացնում է ծանուցագիր:

18. Փորձանմուշի փորձարկումներն իրականացվում են «Ռազմարդյունաբերական համալիրի մասին» Հայաստանի Հանրապետության օրենքով սահմանված կարգով:

19. Փորձարկումների ավարտի վերաբերյալ համապատասխան փաստաթղթերը հանձնաժողովից ստանալուց հետո կոմիտեն 2 աշխատանքային օրվա ընթացքում դրանք ուղարկում է կատարողին:

20. Կատարողը, 10 աշխատանքային օրվա ընթացքում, որոշմամբ սահմանված կարգով կոմիտեին ներկայացնում է իրականացված ՓՊԱ մասով փաստացի գնահաշվարկ:

21. Կոմիտեն որոշմամբ սահմանված ժամկետում ուսումնասիրում և համաձայնեցնում է փաստացի գնահաշվարկը կամ հետ է ուղարկում ուղղման:

22. ՓՊԱ պայմանագրի ավարտից հետո, անհրաժեշտության դեպքում, կոմիտեի նախագահի հրամանով ձևավորվում է աշխատանքային խումբ, որն ուսումնասիրում է ավարտված պայմանագրի կատարման ընթացքում պետական միջոցների հաշվին ձեռք բերված այլ ապրանքների, գույքերի փաստացի առկայությունը և աշխատանքներն ավարտելուց հետո 5 աշխատանքային օրվա ընթացքում դրանց մասով ներկայացնում առաջարկություն Բարձր տեխնոլոգիական արդյունաբերության նախարարություն՝ գույքի հետագա տնօրինման ուղղությունների մասով:

Ձև N 1

## 1. Հ Ա Յ Տ

## ՓՈՐՁԱՆՄՈՒՇՆԵՐԻ ՊԱՏՐԱՍՏՄԱՆ ԱՇԽԱՏԱՆՔՆԵՐԻ

Կատարողի ընդհանուր տվյալները

|                                                               |  |
|---------------------------------------------------------------|--|
| Անվանումը                                                     |  |
| Իրավաբանական գրանցման հասցեն                                  |  |
| Գործունեության հասցեն                                         |  |
| ՀՎՀՀ/ ՀԾՀ (ֆիզ.անձի դեպքում)                                  |  |
| Պետական ռեգիստրի գրանցման համարը/անձնագիրը (ֆիզ.անձի դեպքում) |  |
| Հեռախոսահամարը                                                |  |
| Էլեկտրոնային փոստի հասցեն                                     |  |
| Ղեկավարի Ա. Ա. Հ.                                             |  |

|                                      |  |
|--------------------------------------|--|
| ՓՊԱ անվանումը                        |  |
| Կատարման ժամկետը (ամիսներով)         |  |
| Փորձանմուշների առկա քանակը           |  |
| Փորձանմուշների կանխատեսվող քանակը    |  |
| 1 միավորի (լրակազմի) առաջարկվող գինը |  |
| Ֆինանսավորման կանխատեսվող գումարը    |  |

Կատարողի աշխատակիցների վերաբերյալ տվյալները

|                                     |  |
|-------------------------------------|--|
| Ազգանուն, անուն, հայրանուն          |  |
| ՀԾՀ                                 |  |
| Ծննդյան ամսաթիվը և ծննդավայրը       |  |
| Կրթությունը (ԲՈՒՀ, մասնագիտություն) |  |
| Պաշտոնը                             |  |
| Հեռախոսահամարը                      |  |
| Էլեկտրոնային փոստի հասցեն           |  |

Նախագծի ֆինանսական գծով պատասխանատուի տվյալները

|                            |  |
|----------------------------|--|
| Ազգանուն, անուն, հայրանուն |  |
| ՀԾՀ                        |  |
| Պաշտոնը                    |  |
| Հեռախոսահամարը             |  |
| Էլեկտրոնային փոստի հասցեն  |  |

## 2. ՆԱԽԱԳԾԻ ՆԿԱՐԱԳՐՈՒԹՅՈՒՆԸ

### 2.1. Նախագծի՝

1. Նկարագրությունը
2. Ակնկալվող արդյունքները
3. Կիրառության բնագավառները և նպատակները
4. Առկա և անհրաժեշտ նյութական ռեսուրսները

### 2.2. Տեխնիկական բնութագիրը

2.3 Սերիական արտադրության դեպքում միավոր ապրանքի կողմնորոշիչ գնային միջակայք՝ կախված արտադրության ծավալներից:

### 2.4. Պետական փորձարկումների ծրագիր և մեթոդիկա (առկայության դեպքում)

## 3. ՏԵՂԵԿՈՒԹՅՈՒՆՆԵՐ ՆԱԽԱԳԾԻ ՄԱՍՆԱԿԻՑՆԵՐԻ (ԿԱՏԱՐՈՂՆԵՐԻ) ՄԱՍԻՆ\*

| NN<br>ը/կ | Հաստիքի<br>(պաշտոնի,<br>գործառույթի)<br>անվանումը | Քանակը | Նախագծի շրջանակներում<br>կատարողի կողմից իրականացվող<br>աշխատանքների բնույթը |
|-----------|---------------------------------------------------|--------|------------------------------------------------------------------------------|
|           |                                                   |        |                                                                              |
|           |                                                   |        |                                                                              |
|           |                                                   |        |                                                                              |
|           |                                                   |        |                                                                              |
|           |                                                   |        |                                                                              |
|           |                                                   |        |                                                                              |
|           |                                                   |        |                                                                              |

\*Անհրաժեշտ է ներկայացնել նախագծի բոլոր մասնակիցների (կատարողների) ինքնակենսագրականները (CV): Եթե հետագայում ներգրավելու են այլ աշխատակիցներ, ապա նշել թափուր հաստիքները համալրելու կանխատեսումով:

Ձև N 2**ԵԶՐԱԿԱՑՈՒԹՅՈՒՆ ՓՊԱ ՀԱՅՏԻ ՎԵՐԱԲԵՐՅԱԼ**

Շահագրգիռ պետական կառավարման համակարգի մարմինները ՓՊԱ հայտի մասով եզրակացություն ներկայացնելիս անդրադառնում են հետևյալ հարցերին՝

1. ՓՊԱ արդիականության վերաբերյալ՝

- 1) արդյո՞ք ներկայացվող փորձանմուշն արդիական է ներկայացման դրությամբ.
- 2) արդյո՞ք փորձանմուշը կշարունակի արդիական մնալ նախատեսված ժամանակահատվածներում արտադրվելուց հետո:

2. ՓՊԱ փորձարկման իրատեսության վերաբերյալ՝

- 1) ի՞նչ քանակությամբ փորձանմուշ է անհրաժեշտ պետական փորձարկման համար.
- 2) արդյո՞ք ներկայացված փորձանմուշի փորձարկման համար անհրաժեշտ և վերաբերելի պահանջվող միջոցները կարող են տրամադրվել, թե՛ ոչ:

3. ՓՊԱ մասով պատվիրատու հանդիսանալու վերաբերյալ՝

- 1) արդյո՞ք փորձանմուշի պետական փորձարկման դրական արդյունքի դեպքում պետական կառավարման համակարգի մարմինը կհանդիսանա սերիական արտադրության հավանական պատվիրատու:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏԻ ԱՇԽԱՏԱԿԱԶՄԻ  
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ